

IN HUNC TOMVM PRIMVM
SPECIALE ARGVMENTVM.

POSTquam Illustrissimus & laudatissima memoria Princeps, GVLIELMVS Hassia Landtgravius, per Nobilissimum & Amplissimum virum HENRICVM RANZOVIVM Vicarium Regium in Holsatia, Cometae Anni 1585, Descriptionem à nobis expetivisset, & de reformatione suorum Instrumentorum nonnulla simul indicasset, factum est, ut ego luculenter respondendo, de Instrumentorum restitutione ulterius, quàm VVratislaviensis ille Mathematicus, qui talia hic vidit, & ad ipsum detulit, admonerem, atq; insuper dicti Cometae accuratas Observaciones, hincq; deductas Mathematicas conclusiones, ipsi communicarem. Ad quæ Illustrissimus ille Princeps tam proprijs suis Literis, quàm per eum, quem tunc in Aulà habuit Mathematicum CHRISTOPHORVM ROTHMANNVM, in hiscè studijs eximie versatum, mihi Clementer & Eruditè rescribi curavit, nostrasq; Observaciones & ratiocinia approbando, convenientiam in denotatione eiusdem Cometae demiratus est: misitq; simul nonnullas è suis Animadversionibus Cælitus deductis, quas calculo à nobis subijci, atq; cum nostris conferri desideravit; quæ deinde examinata remisi, & disconvenientiam nonnullam Mechanica tractationis ab ipso in Globo factæ, à calculo Geometrico, ostendi: moxq; distantias nonnullarum Fixarum nostris Sextantibus acceptas recensui; quò collatio cum illis, quæ in ijsdem Stellis, mediantibus ipsius Organis, adinventæ erant, institui posset. Eandem quoq; ob causam Altitudines Meridianas quarundam insigniorum Stellarum hic

)*(2

nostris